

DEARBHÚ UM CHOSAINT SONRAÍ

PISA 2022 – CEISTNEOIRÍ NA SCOILE

Aitheantas agus sonraí teagmhála an rialtóra:

Foras Taighde ar Oideachas
DCU - Campas Choláiste Phádraig
Droim Conrach
Baile Átha Cliath 9
Éire
D09 AN2F
Teil.: +353 1 837 3789
R-phost: PISA.Ireland@erc.ie

Tabhair faoi deara: Baineann an dearbhú seo le bailiú sonraí ó mhic léinn agus na tuismitheoirí agus caomhnóirí na mac léinn.

Cén cuspóir a bhaineann le bailiú agus le próiseáil sonraí?

Is do chuspóirí eolaíoch amháin a úsáidfeá na sonraí a bhaileofar i rith staidéar PISA 2022 (Programme for International Student Assessment). Is tionscadal taighde ar oideachas é PISA, urraithe ag an OECD (Organisation for Economic Cooperation and Development). Reáchtáilann an Foras Taighde ar Oideachas PISA in Éirinn ar iarratas ón Roinn Oideachais, agus thar ceann na Roinne Oideachais. Tá sé seo i gcomhréir le ceann de na feidhmeanna (“carrying out national and international assessments of the attainment levels and academic achievement of students and reporting on such assessments to the Minister”) a leagadh amach in Ordú Bunaithe an FTO mar chomhlacht reachtúil (tá sé seo le feiceáil, ina iomláine ag: <http://www.irishstatutebook.ie/eli/2015/si/392/made/en/print>).

Is é “the performance of a task carried out in the public interest or in the exercise of official authority vested in the controller” bunús dlíthiúil an FTO chun sonraí pearsanta a phróiseáil de réir RGCS (GDPR), Alt 6.

Cén t-eolas a iarrtar?

Tugtar cuireadh do phríomhoidí (nó do phearsanra comhcháilithe eile mura bhfuil an príomhoide ar fáil) na scoileanna rannpháirteacha Ceistneoir Scoile PISA 2022 a chomhlánú chun eolas a chur ar fáil don staidéar maidir le tréithe agus áiseanna na scoile, am teagaisc, taithí agus oideachas príomhoidí, agus maidir le sonraí ar dhearcadh príomhoidí.

- Chun a bheith cinnte de go bhfuil PISA bunaithe ar shamplaí de mhic léinn agus de scoileanna a roghnaíodh go heolaíoch, glactar leis go gcomhoibreoidh scoileanna le reáchtáil PISA ina scoil féin i gcás go n-iarrtar orthu amhlaidh a dhéanamh (Ciorclán 0056 RO; 2011).
- Ní chuirfeá scoileanna faoi mhíbhuntáiste ar bhealach ar bith i gcás nach gcomhlánaítear an ceistneoir, agus tá cead ag freagróirí léim thar cheisteanna aonair nó éirí as ceisteanna a fhreagairt in am ar bith.
- Má líontar isteach agus má sheoltar ar ais ceistneoir comhlánaithe, toilíonn rannpháirtí an staidéir le bailiú agus próiseáil a s(h)onraí laistigh den cheistneoir.
- Is féidir le haon rannpháirtí a t(h)oilíú maidir le próiseáil sonraí a tharraingt amach gan fáth a thabhairt suas le 4 seachtaine tar éis reáchtáil na dtrialacha.
- Is féidir le haon rannpháirtí, a dteastaíonn uaidh/uaithi a (h)eolas a tharraingt amach nó a athrú, dul i dteagmháil leis an Foras Taighde ar Oideachas (ag 01 8065234 nó

PISA.Ireland@erc.ie). Má tharraingíonn duine amach as an staidéar, ní bhaileofar aon sonraí breise don duine sin. Coimeádtar roinnt eolais ar tharraingt amach agus ar eisiámh chun an sampla a bhailíochtú agus chun eolas a chur ar fáil do riarachán trialacha sa todhchaí (e.g., le feiceáil an bhfuil baol níos mó ann go dtarraingeodh cailíní amach as rannpháirtíocht sa staidéar).

- Is féidir ceisteanna maidir le cosaint sonraí pearsanta a sheoladh chuig Oifigeach um Chosaint Sonraí an FTO Data.Protection@erc.ie

Cén saghas sonraí a bhailítear?

Bailítear agus stóráiltear sonraí ó na freagraí ar cheisteanna ó gach Ceistneoir Scoile PISA comhlánaithe. Is mar uimhreacha a chuirtear na freagraí roghnaithe in iúl (ceist ilrogha, mar shampla) nó mar luachanna (figiúr do líon na múinteoirí sa scoil).

Ní féidir an t-eolas seo, ann féin, a úsáid chun freagróirí aonair a aithint as a n-ainm, ach taifeadtar Uimhir Aitheantais chun gach scoil a aithint go sainiúil. Tá an gaol idir an Uimhir Aitheantais seo agus ainm na scoile, nó uimhir chláráithe náisiúnta na scoile, ar eolas ag an Teagmhálaí Scoile, ag an ionad taighde atá ag réachtáil an staidéir agus ag Westat (Maryland, SAM). Is cabhair í an uimhir seo chun sampla na scoileanna a ullmhú do na tíortha rannpháirteacha, agus don OECD, ach ní roinntear í le haon tríú páirtí eile.

Cá háit, conas agus cá fhad a dhéantar sonraí PISA a stóráil?

Stóráiltear sonraí PISA go daingean san FTO agus ní féidir le haon duine ná córas seachtrach rochtain a fháil orthu. Ina theannta sin, aon fhostaí de chuid an FTO a dhéanann rochtain ar na sonraí chun iad a phróiseáil, cuireadh ar an eolas go cuí é/í maidir lena bhfuil i gceist le láimhseáil inghlactha sonraí. Tá aontú rúndachta sínithe acu.

Is mar seo a stóráiltear na sonraí:

Stóráiltear gan chríoch sonraí freagartha sa chaoi go bhfuil siad ar fáil don anailís. Ar deireadh, beidh na sonraí seo i mbunachar sonraí a cheadaíonn do lucht taighde córais oideachais ar fud an domhain a chur i gcomparáid (féach *Rochtain phoiblí* thíos).

Déanann Conraitheoirí PISA i SAM agus an OECD i bPáras próiseáil ar shonraí. I measc Chonraitheoirí PISA 2022 tá Educational Testing Service, ETS Corporate Headquarters 660 Rosedale Road, Princeton, NJ 08541, SAM; Westat, 1600 Research Blvd, Rockville, MD 20850, SAM; agus ACER, 19 Prospect Hill Rd, Camberwell VIC 3124, an Astráil. Is gan ainmneacha a sheoltar na sonraí uile do phróiseáil na sonraí – ní bhíonn le feiceáil ach uimhreacha na Scoileanna. Tá an OECD faoi réir threoracha um chosaint sonraí mar a mhínítear ar a suíomh gréasáin <https://www.oecd.org/privacy/>

Cé leis a ndéantar sonraí ó PISA a roinnt agus conas a dhéantar an roinnt?

Seoltar sonraí freagartha ó ionaid náisiúnta taighde chuig an OECD, via freastalaí slán FTP, i bhfoirm faoi ainm bréige, is é sin: déantar próiseáil orthu ar bhealach nach féidir na sonraí pearsanta a cheangal a thuilleadh le haon duine sainiúil is ábhar do na sonraí gan eolas breise a úsáid (aon eolas breise dá leithéid á choimeád as féin agus faoi réir bearta teicniúla agus eagraíochtúla le cinntiú nach luaitear duine nádúrtha aitheanta ná inaitheanta leis).

Déantar aistriú na sonraí chuid SAM agus an Astráil, mar thríú tír, agus chuig an OECD, ag úsáid maolaithe ar mhaithe le leas an phobail.

Roinntear na sonraí ar ais freisin, arís thar fhreastalaí slán FTP, leis na hionaid náisiúnta taighde a réachtálann PISA i ngach tír a ghlacann páirt.

Sonraí atá bainteach

Mar aon leis na príomhoidí, iarrtar ar mhúinteoirí, comhordaitheoirí matamaitice, mic léinn agus tuismitheoirí, ceistneoir a chomhlánú freisin. Ceanglaítear eolas a thagann ó na foinsí seo le heolas ó phríomhoidí sa bhunachar sonraí idirnáisiúnta deiridh (international research database - IDB).

Rochtain poiblí

Beidh an bunachar sonraí idirnáisiúnta deiridh (gan sonraí ón gCeistneoir um Iompar i rith na Trialach a chur san áireamh) le rochtain go poiblí ar an suíomh seo a leanas:

<https://www.oecd.org/pisa/data/>

Tá na sonraí uile sa bhunachar sonraí anaithnid, agus ní féidir iad a cheangal le daoine aonair.

Cinnteoireacht agus próifiliú uathoibríthe

Ní réachtáiltear aon chinnteoireacht uathoibríthe, próifiliú san áireamh, a luaitear in Alt 22 RGCS (féach <https://gdpr-info.eu/art-22-gdpr/> do bhreis eolais).

Ceartha daoine is ábhar do na sonraí

Tá daoine is ábhar do na sonraí i dteideal na gcearta a leagtar amach in Ailt 15-20 RGCS.

Tá an ceart ag daoine is ábhar do na sonraí gearán a chur isteach le húdarás maoirseachta. In Éirinn, is é seo an t-údarás cuí:

An Coimisinéir Cosanta Sonraí
An Coimisiún um Chosaint Sonraí
21, Cearnóg Mhic Liam Theas
Baile Átha Cliath 2
D02 RD28,
Éire.
Teil. +353 1 7650100
Uimhir Lo Call 1800 437 737
R-phost info@dataprotection.ie